

المؤلف

مازن باسم عثمان القاطوني
ساعات عمري / ١٤٣٢ هـ ، ٢٠١١ م
٩٦ ص / ٢١ x ١٥ سم

رقم الإيداع بدار الكتب القطرية : ٢٩٤ - ٢٠١١
الرقم الدولي (ردمك) : ٧ - ٦٣ - ٩١ - ٩٩٩٢١ - ٩٧٨

تصميم الغلاف: زهير القاطوني

المقدمة

سأدون كل ما يدور في أعماقي
وأرسم حزني بين صفحاتي
سأجعلها ذكري لباقي أيامي
هنا بين صفحات ديواني
تتبعثر أهاتي ووناتي وصرخاتي
فرحه عشتها ودمعه مسحتها
سأدون إحساسي بجميع الأشكال
وسأكتب لكم ماذا يدور في البال
فما العمر إلا مجرد ساعات
نعيش بين دقائقه جميع الحالات
وتبقى ساعاتنا كل يوم، مجرد ذكريات

سأكتب هنا ساعات عمري
فيا قارئها تذكر هذا الكلام
ولا تحزن ..!! فهذا على نفسي حرام
هي مجرد بعثرة أحاسيس فرحه وآلام
لكم مني أجمل تحيه وسلام ...

Mazen

مثلت الحب

شامخ بجروحي ولا همني غيابك
لا تتوقع بيوم توصل حركة إنتصارك

ماني سهل ماني بخاتم في صباك
إلعب بحروفي وأشتتها أفكارك

مثلت الحب لجل أرضي مشاعرك
داريت حزني ولا همني إنتباهك

إحساسي غالي ما هو لعبه من ألعابك
بتندم صدقني وهالشعور اليوم ينتابك

يوم هزيت بداخلي مشاعر الحب بكلامك
أقدر اليوم أفجر مشاعر الندم في أعماقك

لا ترفع خشمك فوق اليوم أكسره قدامك
وهالقلب يفرح خلاص اليوم بفراقك

الحب هالزمان

جيت أبكتب عن الحب وأنواعه
ومنهو هالزمن يعيش الحب ويتنهابه
جيت بوصف لكم العشق وألوانه
ومنهو هالزمن عاش العشق بإخلاصه
لقيت كل من حولي بالحب ذاق لسعته
جمال السهر والعشق وكلماته
مسجات الحب ورسائل الشوق وألحانه
لحظات الوله وكلمات الشعر وأوزانه
الحب عالم ثاني والكل من إحساسه ينتابه
إلا أنا وقلبي ..!! هالدنيا ليه تنسانا
وش حيلتي دام قلبي طيب ومن الحزن صابه
وش ذنب إحساسي إلى بالوفا لقلبي عطابه
وقلبي للوفا لكل من حولي فتح بابيه
وإذا جينا للحب وش هو أصله وأساسه
هو إحساس وبالهورى تلون معناه واسمائه
وين الإحساس هالزمن وين الحب وجنانه

ماني بكاتب ولا شاعر وييعثر إحساسه
أنا مازن أنا حظي العاثر تحدى زمانه
واجه قلبي بقسوته وضرب جميع أوزانه
وأعلن على مشاعري النسيان وعصيانه
ماعاد أحتمل الحزن بداخلي وأعوانه

ودي لو اقدر أقتل هالحزن فيني!!
اسألکم هو ينقتل الحزن وإحساسه..!!

المصير

لن أكتب حزني بعد اليوم
بل سأشكي لكم عن إحساس جديد
عجزت من نفسي أفهمها
ولم أعلم فعلا ماذا ينقصها
ولماذا العذاب الذي بالداخل يسكنها
ويعتلي سماء حياتي ويغمرها
ويجذب العذاب بجميع الألوان ويرسمها
لم أكتب حروفي لأعبر عما بداخلها
ولم أتهم أحد ولن أبحث عن قاتلها
فلننسي حرية حياتها هي تتخذها
ولي ربي معين وعلى حزني ينصرها

لم أعد أستطيع وضاقت بي الدنيا كثير
حياتي سراب ولم أعد أعلم المصير
أنفاسي تضيق وأشعر أنني أسير
أريد الخلا أين هو الطريق للأسير
لن أكملها ولن أكتب القصيد
فقلبي يذوق ويلات العذاب العسير
أتعني تفكيري وفعلا أعتذر عن التقصير
نفذت حروفي وتقطعت أحبال عقلي القصير
ولم أجد كلماتاً لأعبر عن داخل عميق

لم أعد أستطيع وضاقت بي الدنيا كثير
حياتي سراب ولم أعد أعلم المصير

يا هم

يا هم وينك إشتقتلك متى لأيامي تعود
في غيابك تعبت وأنا أسهر لحالي

أحبس حزني لأن الدمع شئ منقود
ليش اخترتني يا هم جاوب سؤالي

أحس عشت فيني وعشت فيك عقود
أنت ما شفت في زمانني وش جالي

كل يوم فيني يا هم أشعر فيك مولود
تعبت منك واشتاقلك أشوفك قبالي

الفرح أصبح في حياتي باب موصود
ولا طرى على بالي أبتسم أسرح في خيالي

يكفي إلي بداخلي من حزن موجود
وانت يا همي بعد تطلب اليوم وصالي

مشتاق لكن طلبك يا هم بوصالي مردود
في بعادك هالقلب من الحزن خالي

خلني أدور درب فيه أمل فرحه لو بآخر العنقود
وروح بعيد يا هم دورلك واحد يفهمك بدالي

أحب أشتاقلك وأنت بعيد يا هم علي جود
يكفيني تعبت أمثل مرتاح بالي

تحدوني البشر

تحدوني البشر على فرقاك
وإني في غيابك بعاني

مايدرون سهولة قلبي ينساك
وإني عايش معاك أصلا لحالي

صحيح كنت أسرح في محياك
وأفقد التعبير وتضيع كل أفكاري

لاشفت دمعتك أصيح وش بلاك
ويتشتت بيومها فرحتي وكلامي

لكن أحب أذكرك وش قلبي عطاك
وش كسبت غير جرح بأعماقي

تحب أذكرك يوم إحساسي ناداك
وبطعنك لي رديت ندائي

هذه حالتي إلى كانت فيك وبلاك
كتبت أحزاني دموع أعبّر عن حالتي

حتى قلمي إلى أمسكه مايباك
تعب يرسم إحساس حروف تعاني

مثل النار

كل من حولي يبي يعرف أسباب الحزن فيني
وفي دنيتي أنا وش صار
وليش الحزن مرسوم في دمع عيني
وأنا توني صغير السن منهار
أنا بقول لكم وش صار في سنيني
وأبيكم أنتم تحكموا يا أخيار
تعالوا إسمعوا أسباب هالحزن فيني
كله من سباب وقتي الغدار
مهموم ولا لقيت أحد يواسيني
عقلي ياناس وربني مني طار
أحس الموت من بعيد يناديني
وحرقة في صدري مثل النار
من يقدر اليوم لهمومي ينسيني
وينسي قلبي المسكين إلي صار
طلبتك أنت يا نظر عيني
يكفي تجرحني بإصرار
قلبي يوم حبك وش ذنبه ضميري
تعذبه بأسلوبك على ما إختار
إن كنت راضي إننت بتعذبي
إرحل عن دنيتي يا ظالم يا جبار
أحس الموت من بعيد يناديني
وحرقة في صدري مثل النار

حاولت أفهمك

لأن في حياتي جروح كثيرة
حاولت وحاولت ولا يوم أجرحك
هالقلب يشيل هموم ثقيلة
تعال أقرب لي ودي أسألك
في الحب كم كلمة دورت بديلة
ودي تكون قصه في حياتي أكتبك
بحروف مجروحة تصرخ حزينة
كم يوم في بعادي أنصحك
وبعنادك تتحددين ياخسارة جريئة
أكتب القصيد .. يا حزني تعبت أرسمك
همومي تلعب بأوتار قلبي لكن بسيطة
يازمن أنا وإنت والليل صدقني أبفهمك
أنت في حياتي ولا شئ طعنه صغيرة
وفي ليالي عذابي على كيفي ألونك
والخوف كل الخوف تكون سنين عمري أنا طويلة
واحبس الهم فيني وياحزن أفضحك
تعبت أكتب حروف وجروح وربى جريمة
ليش أنا مافهمتك وحاولت أفهمك

إنت إلی بدیت

غلطان یالی فی عنادک لی تحدیت
ما تعرف أنت عقلي وقلبي القاسي

یرحم زمن أول أشوفک الیوم تمادیت
قلبي تحول كان للأسف بیوم وافی

تحمل الأيام دامک أنت إلی بدیت
كان أول تعشق تفکیری مع أوصافی

یاما قبلك تحدون وللمهزله أنا نهیت
محد یقدر یابطل یکسر أنا مجدافی

شامخ وهامتی فوق مهما أنت تعالییت
اکسر راسک الیوم یا مسکین قدامی

لا تخلنی أدمر حیاتک وأقلک هذا ما جنیت
تعال أعتذر لی الیوم وقل إرحمني کافی

إنت إلی غلطت فینی ولا خلاص نسییت
لا تمثل مسکین وتطلب الیوم سماحی

دام ما احترمت إحساسی وعنی تخلییت
شلون ترجع إنت غالی فی حیاتی !!..

من يفهمني

قبل خمسة أشهر أحسست بشعور غريب لا زال ينتابني كل حين
أمل وفكر عميق ولحن في أعماقي يزيد الحنين
أحن لماضي أليم وأحن ليوم حزين وأنين
نعم أحببت لحظة حزني وحرقة دمعتي
نعم أريدها حياتي بوحدتي وأحبها جدا وحدثي

تحديت الجميع على أن يفهمني ولم يفهمني الجميع
أقسمت أن أفهم من حولي وأجعل من حولي لا يفهمني
فستطعت فهم الجميع وتركت للجميع فهمي
فلم يستطيع إنسان فهمي وفهمت الجميع

ربما يستنكر البعض هذه الأفكار الغريبة
ويقول لي لما لا تعيش حياة جميلة
فالدنيا فيها سعادة وفيها الأيام المريرة
فالقدر كان له إختيار طبيعتي وطباعي عنيدة

لا يغيرك ضحكة شفاتي ولا أساليبي الجديدة

مشاعر مكنونه

إحترت أعبر عن جمالك قلبي بنظراتك إنصاب
ومشاعر قلبي لك ياغلتي كلها مفتونه

ودي أفسر إعجابي لك وأدور لها أسباب
شلون أكتب مشاعر بخافقي مكنونه

وأقولها بصريح العبارة قلبي بحبك ماتاب
أثر البعد مجرد إحساس غير من إحساسي لونه

وغلاتك بداخلي مثل الثلج على نار شوقي ذاب
هالقلب سميته بحروفه وأعلن لكل جنونه

ماهمة قريب هالعقل ولا همه حيرة الأغراب
أسير أنا من يومي له وأعترف أسير عيونه

ياخذ من عقلي ويسرق من أيام عمري ماطاب
دامني مخلص وافي وكننت في يوم بكونه

همسة و دمعة

حبيبي وأنا جالس لحالي .. نزلت على خدي دمعة
ما أصدق لقيت بدالي .. نفسي أهمس لك همسة

حبيبي بعدني أحبك و أعزك و أهواك ..
أتخيلك معاي .. وأشوف دوم خيالك ..
وأتذكر ليالينا وأتذكر كل كلامك ..
وأتذكر حبك لي و دلالك ..
مستحيل أنسى بيوم إخلاصك ..
وقت ما كنت تحبني وتعطيني حنانك ..

خلك مع إلي بديته عني ..
ما توقعت حبيبي تبتعد عني ..

بسألك ..!! أنت كنت تحبني ؟ قلي !!
كنت مخلص في ترحالي ..!! وحلي ..!!
نسيت يوم قلتك أنت حبيبي وخلي ..
كنت نفسي و شرياني و ظلي ..

حبيبي من يوم بعدت عني وأنا حيران .. تعبان
فكرت قلت خلني أكتب ديوان ..
لأنني دايم حزين وكئيب وطبعاً سهران ..

أبي أكتب أحزاني وإلي في قلبي من حسرة
خلاص أبكتب مافي داخلي من همسة ودمعة

أنت من خلاني أحب .. علمتني أعشقتك .. دليتني وشلون أهواك
والله ما أقدر أعيش بلاك ..
تراني ماني شاعر .. أنا تعبان و حابر
من كثر أحزاني .. مثل الميت صاير

تدري ليش اخترت همسة و دمعة عنواني !!..
لأنني أتذكر كل همسة همستها لك وأنت تهواني ..
لأنني أتذكر حبك وهيامك ..
و أتذكر يوم كنت تحتاج حناني ..

يوم كنت تقول مستحيل ألقى بذلك .. وين ألقى مثل حنانك
وأحس بمثل كلماتك .. وهيامك .. وألقى مثل أخلاصك

وبعد اليوم .. لقيت دمعة .. ندمت حبيبي على كل كلمة
صدقني ندمان على كل همسة ..

روح خلاص خلك معاه .. و خلني مع أحزاني
تراني مرتاح .. أحب أحزاني وخصوصا الآمي
أحب أشوف دمعي .. وأدري أنك تحب تشوف دمعاتي
طعم دموعي .. يخلي للكلمات معاني
الجروح أحس إنها صارت كياني
تصدق أحس إني بديت أحب أحزاني .. مرات
أحب أعبر عن جروحي بكلمات ..
خلاص مليت الحب من كلام و هيام و همسات
بديت أحب الجروح والطعنات ..
صدقني حتى الآهات و الدمعات ..

صرت أحب الوحده .. أحب أكون أسير
أسير لأحزاني .. وأحب أكون سهران وأعاني
أحب لجروحي حبيبي أداري ..

أنا اليوم أحب قلبي .. لأنه حبيبي ما يخون
يعبر حبيبي عن دموعي .. ومستحيل يخيب الظنون
أدري أنك ناسيني و نسيت قلبي الحنون
قالولي لأنك حزين تكتب ديوان ..!! أنت مجنون ..!!

قتلهم خلوني لحالي .. أبي أعاني .. أبي أتمتع بأهاتي
وأحب أنوق دمعاتي .. وأسهر لحالي
وأقول حبيبي خلاني .. راح ولقى بدالي
نسى حناني وأخلاصي .. نسى يوم كان حياتي

وأحب أنهي كلامي ...

خلاص تبي تروح روح .. وخليني لحالي
خلاص لقيت أنت بدالي .. أدري نسيت حناني
وبديت حتى تنساني ..

خلاص بروح البحر وأجلس لحالي .. وعنده خلني أعاني
خلني أشكيله همي .. ويشوف دمعاتي
وبعدها بسكت ... وأكمل ديواني

أقول ما فيني

أنت وحدك سكنت الببال
وما سكن غيرك في الأشجان

ودي نسهر أنا و أنت الليل
تحس فيني وأحس فيك وإنعش أحلى حنان

ما أبيتك تصدق كلام القيل و القال
لأنني أحبك وأبي أعيشك عيشة السلطان

والله حُبِكِ إنْتِ قلبِ حالتي حال
وغلا حُبِكِ بقلبي مستحيل تبان

والله ما أبي منك غير الوفي و الوصال
لأن بوصالك يفرح قلبي الزعلان

ماني بكذاب بشعري ماني محتال
أكذب إذا شففتك وقلت ماني تعبان

أبي تسهري معي و أدلك أحلى الدلال
وتشوفي قلبي المريض التعبان

تطلع الأهآآآت من قلبي ومن هالحال
يكفيني حيره و أنا أصلا حيران

وين أروح !!..

وين أروح قلبي وين أروح؟!
أنت يوم كنت الروح رحت قلبي وين أروح!؟

نفسى لواحد يفهمني عنك أبوح
وأقله إنك كنت بأعلام حبنا تلوح

ما همك يوم كلام الناس يا فلان
همك إن حبنا أنا وإنت للناس يبان

ما عادت حياتي تنطاق
ولا همني اليوم حبك أو غلاك
قلبي وين أروح وإنت روح الله معاك
يكفيني إلى فيني ويكفيني منك كلام

خلاص روح خلني أجلس لحالي
وعن جرحي أداري وأشيلك من خيالي

ما أبي أتخيل صورتك قدامي
حتى لا تروح روعي.. وتنهذ حيلي

لأنني أذكر كلامك و خوفك
حبك لي ، و إخلاصك وحتى حنانك

حرام عليك ما تحس فيني
ذبحت روعي، طيب قلبي وين أروح!؟

إنت حياتي

تقول إتركني ما عاد في قلبي غيره
تقول إتركني مليت من الحيره
تقول إنساني ما أبي حبك
تقول إتركني ولا تجيب لي عن الحب سيره

تقول .. وأنا أقول شلون أنساكي ..؟!
شلون أتركك أو أتخلي عنك و أنا أهواكي ..!؟

قولي ما تعرفين إنك حياتي..؟!
قولي ما تعرفي إنك عمري و كياني..!؟

أبيكم إنتم عليها تشهدوا..
وأبيكم على دمعي إنتم تكتبوا...

مازن صار أسير لها..
وهي تقول إني مب حبيبها ..!؟

أنا أهدي عمري و روعي لها
وبكل غالي عندي أبيع لها ...
أكون أنا شاعر لعيونها و أديبها..
أكون طفل و أكتب على الجدران إني أسيرها
وإذا كلامي مب عاجبها ...
أصير أنا الحين فيلسوفها ...

إذا أنا ظالم

أنا من كثرة دموعي عيوني ما تبيني..
عشت العذاب ياما ..
والكل يشهد ويقول شوفوا حاله..

أنا نفسي بس مره، عن العذاب تسأليني...!!
نفسى فى قائمة ضحاياكى تكتبيني ..
من يشوف حالى يقول مجنون ..
وبالظالم الكل متهمنى ...!!

إذا أنا ظالم..؟! وش أقول عن إلى تاعبنى..؟!
وش أقول عن إلى بالوفا واعدنى..?!
!

يوم كانت الضحكة و البسمة تنور سمانا..
يوم كان الهوى حتى يهوانا..
واليوم .. ما صرنا نشوف غير الدمعة..!!

ما عدت أنا مثل أول ..
صرت الحين ما أقدر أكتب كلمة ..!!

إذا أنا ظالم ..!! للأسف أنتى ما تفهمين
وأنا الغلطان لأنى أتخيلك تهوين
بس مشكوره وما تقصرين ...

أنا و أنت

أنا من ذاق طعم الغربه
أنا من ترك الصباح والأحبه
أنا من تاه به الزمان
أنا الذي أصبح في النسيان
أنا من حُرم العطف والحنان
أنا المسكين وأنا التعبان
أما أنت ..!! فمن أنت ..!؟

أنت ماضي ..
أنت إنسان عادي ..
أنت بي لا تبالي ..
أنت بظلمك تستاهل التهاني..
أنت بكذبك رائع ..
أنت لحبنا للأسف بائع ..
أنت ما أنت ..!! أنت لا شئ ..

أنا و أنت

أنا المخلص ..
وأنت لحبنا خائن
أنا المحب ..
وأنت لو عدنا بائع
أنا الصادق ..
وأنت الكاذب
للأسف كنا أنا أنت وأنت أنا ..
لكن أصبحنا أين أنت وأين أنا ..!؟!!

خائف

مدري وش أقول مدري..
أحس إني بديت أحب
أحس إني بديت أعيش
بس خائف !!..

خائف وخوفي يخيب ظنوني
أحس بنار قلبي بين ضلوعي
خائف أحب وخوفي يطفى شموعي

آآه يا قلبي لو تدري كم أعاني
لو تدري كم أفكر وأنا جالس لحالي

نفسي بس مره يرتاح بالي
أقول مرات إني لقيت حياتي ..
لا .. لقيت كياني
بس خوفي يموتني !!..

أنا حبيت وشفقت الخيانة
أقول مرات خلني أحب من البداية

بس خوفي يقلني لا تستعجل
لا تكون النهاية ..

مشتاق

غيابك أثر فيني
مشتاق متى تعود
تغيرت حتى مفاهيمي
بيني وبينك حدود
كل يوم يزيد حنيني
يكفي دمع على الخدود

محتاجك بقربي دفيني
مليت أنا من القيود
من حنانك أرويني
أدري علي تجود
إنت عمري وحببي
ومن غيرك يكون
حط يدك بيدي
ومن غيرك حنون

مدري يكفيك قصيدي
إلى تعبر مافي الشجون
مشتاق لشعرك الحريري
ومشتاق لأحلى عيون
أعذرني يا حبيبي
مشتاق متى تعود...!!

نهاية سعيدة

إنت يا سبب تعذبي يا ناري ولهبي ..
محتاجك بقربي .. من البرد تدفيني ..
ومن حنانك ترويني ..

يجي الليل وأجلس معاك
تناديني أشواقك وأجي حدك
ما أصدق متى أحط راسي على صدرك
ويدي على يدك
وأشكي لك همي وتشكيلي همك
أبكي وإنت تبكي
تنزل دمعتي .. ودمعتك على خدك
أمسحها .. وتمسحي دمعتي بيدك
وأرد أبكي على حظي .. وتبكي على حظك
وأقلك : الزمن غدار ماله أي أمان
صديق حبك وصديق خان
تبكي على هذا وتبكي على ذاك
قلي وش جاك مني وش جاك
وفجأة ..
تشيل راسي من على صدرها ..
وتحط عيني بعينها ..
وتمسح دمعتي ..
وأبتسم .. وتبتسم ..

وتقول:

أحبك . أحبك .. أحبك

إحساس غريب

إحساس غريب..
إحساس مخيف..

عندما تقف لوحدك..!!
في منتصف الليل..

تحت ضوء القمر
عند موج البحر

تذكر أيام حبك .. تذكر أيام عشقك
هيامك و كلامك ..
وتبكي ..!!

تبكي على ليالي سهرناها
على أحلام حلمناها
على وعود كتبناها

وتكتشف فجأة ..!!

أن ليالينا مجرد سراب..
أن أحلامنا كانت خيال..
أن وعودنا أصبحت أوهام..
تكتشف أننا أصبحنا في النسيان ..

اليوم ضاعت أحلامي..
تحطمت آمالي .. أفكاري ..
تشتت أوراقني ..

حتى في كلامي .. زادت آلامي
دمعاتي .. و آآهاتي..
إلى متى أعاني ..!!
حُبك والله بلاني ..!!

في بعدك حياتي عذاب ..
في بعدك ما عدت أحسب حساب..
في بعدك تطايرت أوراقني من الكتاب ..

حتى قلبي حبره دموعي ..
جرحي واضح بين ضلوعي ..
دمعي يشهد لي و حروفي ..

إني تعبان ، حيران ..
إني منك مليت .. !!

في حياة المساكين بديت ..
إنك تختفي من حياتي .. والله تمنيت..
إني أعيش وحيد والله حنيت..

هل تذكرين ..!!

هل تذكرين ليالينا ..!!
خوفي عليك .. وحنانك علي ..!!
هل نسيته أمانينا ..!!
شوقي لك .. وهيامك علي ..!!

أحببتك وربي يشهد ..
أحببتك ودمعي يشهد ..
كتبت لكي خاطرتي ..
وما زلت على بادرتي ..

أشتاق لسماع صوتك .. أشتاق لهمسة حبك
فما زلت ذاك العاشق الولهان ..
ذاك المتيم الحيران ..
فهل تعتقدين أن من بعدك ذقت الهنا ..
أو أنني أحببت ..!!

أنا على عهدي باقي ..
أسهر الليل وحدي ..
أبكي ولا أحد يدري ..
أشكي لربي العالي ..

حبك في قلبي كان النهاية ..!!

ما أبي بعدك صديق .. قريب .. حبيب
أبي أعيش كئيب .. حزين

الخيانة

أنا شفت الموت بعيوني ..
سألت عنك وياريت ما سألت !!..

أنا شفت الخيانة بعيوني ..
شفتك .. وآآه بقلبي كتمت !!..
سألت وينك !!.. وعندك يدلوني ..
ليش حبيتك ..! وليش لهمك حملت !!..
ما تستاهلي دمة من عيوني ..
ولا تستاهلي كلمة من ما كتبت ..
يكفي خلاص أبعدي و روعي ..
أنا لولا حبك آآه .. ما تحملت
كنت بقلبي وحاطك بين عيوني ..
أما الحين لا أضحك ولا تبسمت ..
أرجعلك !!؟ هذا آخر حلولي ..
خلاص أنا عن حبك تحولت ..
روحي اليوم بطفي شموعي ..
لا إنت ولا قلبك تملكت ..

أعرف إنك تقدري تعيشي بدوني ..
يكفي ما شفته منك ويكفي ما تحملت ..
راضي بعذابي والنار بين ضلوعي ..
آآه .. كم من عذاب تصبرت ..
وإنت للأسف تزيدي جروحي ..
يكفي إبعدي عني و روعي ..
يكفي ما شفته منك ويكفي ما تحملت ..

حرام عليك

حرام تهجر خلق ..
ما توقعتها منك ..
ليه تترك واحد يحبك ..
يموت فيك ويعزك ..

تركتني وكلي جروح ..
ومن آآه .. في قلبي أنوح ..
نفسي لواحد عنك أبوح ..

آآه .. يا زمن
كل يوم أشوف العجب ..
ويا ما قلبي كتب ..
قلبك مثل الحطب ..

من يشوف دمعتك يصدق ..
ويقول مسكينة !!
ومن يشوفك لحالك
يقول حزينة !!
بس أنا أعرف حقيقتك !!
إنك بخيلة .. لئيمة .. جريمة ..

أنا آسف لأنني حبيتك ..
نعم آسف لأنني هويتك ..
عزيتك و غليتك ..

غريب الطبع

أكتبك شعري بلهجة فصيحة ..
كلها حب وشوق ولو تدري فصيحة ..

أكتب معاناتي وإنت ولا حاس فيها ..
ليتك جنبي قريب أقلك عن معانيها ..
وتخفف عني بلاويها ..

أدري إنك حاس بمشاعري ومعانيها ..
بس متى تحسني إنك تعرف خوافيها ..
تراني حبيتك وما أبي لك فصيحة ..
أبيك تهواني مثل ما هويتك أو تسارينني ..

تسارينني حب بقلبي خافيه من سنيني ..
أبي متى شعرت بالبرد والخوف تجي تدفينني ..
تراك غريب الطبع .. قاسي القلب ..
ما تحس فيني ولا ثواني ..

تراك تاعبني ما تقول غير إنك تهواني ..
وإنت مالك في الهوى غير كلام فاضي ..

ما أبي الخيانة منك والجفى ..
أبي الحب منك و الوفى ..
ما أبي تقسى علي وتنساني ..
أبي تحن علي و تهواني ..

إلى متى أعاني ..!!

إلى متى وأنا أعاني ..!!
إلى متى لجروحي أداري ..!!
آآآآه .. والله تعبت

متى يا بنت الناس تحسي بحالي ..
آآه .. كم سهرت الليل لحالي ..
أفكر في جرحي .. وإنت إلي في بالي
حط نفسك مره بدالي ..
جربي ذوقي من عذابي ..
يمكن تحسي بناري ..

أنا أتعذب وإنتي ولا تبالي ..
روحي إبعدي وخلي لحالي ..
ولا تظني يا حياتي ..!!
إن بعدك ممكن أحب ..!!

خلاص أنا كرهت الحب وحالي ..
كرهت حتى سهر الليالي ..
خلاص روجي كاذبة ..
إبعدي خائنة ..
اليوم بودعك .. بودع جرحي
ألمي .. وحزني .. وندمي
إلى متى أعاني ..!!
إلى متى لجروحي أداري ..!!

صرخة أسير

مليت من الحياة ، كل يوم أكتشف فيها إني أسير
حتى المشاعر صارت كلها إستعارة ، كل يوم أكتشف إني بالعالم أدور
ما ألقى من يحس بمشاعري بطهارة ، كل يوم أكتشف إني غارق في بحور

كل بحر..

كل بحر عميق وكئيب وأكبر من قارة ، أنا نفسي أختفي من العصور
أنا عايش أسير ولحالي يا خسارة ، صحيح في ناس بس وبين العقول
وين هذه إلى ممكن تفهمني بجدارة ، وما تبعد عني حتى لو دربي غير الدروب

والله مليت..

والله مليت هذه الحياة ، من كلام وحنين وحب وغرائب
حتى إني يمكن أكره نفسي ، ويمكن حتى أكره أقرب الناس عندي
نفسى أصرخ أنا صرخة أسير ، أكيد بتتسيني همومي أكيد

بس..

بس مستحيل تمسح كل الجروح ، أو حتى تنسيني الآآهات والدموع
إذا إنتِ تبكي على حالي ، أنا والله مليت وجفت الدموع
يكفي تعالي وريحيني ، وخلصنا نعيد لياalina ونشعل الشموع

أغار عليك

شوقي في قلبي يذبح
أخاف أصارحك
تطلع كلمة أحبك وتفضح

أموت فيكي مهما كتمت
شوقي لك ما ينوصف
مهما يا عمري كتبت

مدري هذا طبعك
ولا معي تقسي وبس

كم أغار يا حياتي عليك
نفسي والله نفسي
بس تحطي يدك في يدي

بدون يا قلبي أتكلم
أفهمك وتفهميني
تحس فيني و تدفيني
من حنانك تعطيني

آآه .. والله تعبت أقول الآه ..
متى تحسي فيني ..

أه يا زمن

سألت الزمن ليش إنت قاسي ..؟!
جاوب وقال:
أنا ما أقسى على أحد..
إنتم تقسون علي

سألت : قول ليش وريح بالي ..؟!
جاوب وقال :
أشوف يوم حب و يوم خيانة..
ما عدت أشوف الوفى

راح رفيق دربي راح ..
قولولي وين أروح من بعده وين ..!!

آآه على عمر قضيناها سوى ..!!
آآه على أيام عشناها سوى ..!!

جفت دموعي من العين
حالتني والله بالويل
يا ويلى آآه يا ويل

أبكي حسره في قلبي ..
دمعه على خدي ..
آآه في صدري ..

أرجوك

تبعد عني و تجرحني
تهجرني و تعذبني

حرام عليك شتسوي فيني
لا تبتعد و تظفي بهجة سنيبي

تنزل دمعتي على خدي
ويهون عليك تشوف دمعي ..!!

حرام عليك تحطم أحلامي
بعد ما بنيتها بأمالي ..!!

محتاجك بقربي تدفيني
ومن حنانك تعطيني

أرجوك ..
نسيت إنك تهواني ..!!

أرجوك ..
لا تبتعد وتنساني ..!!

عصفور المحبة

آآه يا قلبي كنت أظن إني أحبك
بس للأسف أنا عايش لأجلك

إنت حلمي وراحت بالي
إنت قلبي وسبب حياتي

إنت قمر وأنا ما أبالغ بكلامي
عطني لك مثيل وأنا أذبح حالي

إنت ساكن في عيوني
وإنت ذكرى في شجوني

إنت حبيب الروح وعاجبنا
وإنت أعز وأغلى حبايبنا

إنت وأنا جناحين في عصفور المحبة
وما أحد يقدر يفرقنا غير ربنا

وإذا أحد فرقنا يروح جناح فينا
بس المحبة تبقى موجودة

لأن العصفور بعده عايش
والحب موجود فينا

مجرد أمل

هذه قصتي من يوم ما ولدت على وجه الأرض آلام ودموع ..
أحزان دائماً .. فوجدت نفسي أمام الورق حائر أمام البحر عاجز ..
فقال لي البحر : إرمي همومك علي يا مسكين، فقلت له بصوت دافئ وحنون :

أحببتها بكل جوارحي ..
كانت كل شئ عندي ..
كانت أجمل شئ في حياتي ..
كيف إختفت من حياتي ؟
لا أدري كيف ؟؟
فجأه .. تناثرت أوراق من الكتاب
تحطمت أفكارى ..
ماتت آمالي .. لا أدري أين أذهب !!..
أصبحت كالطفل الضائع ..
كالعجوز اليأس ..
حياتي أصبحت ظلام ..
كئيبية .. مليئة بالأوهام ..
لكن اليوم ..!!
رأيت طريق في آخره نور ..
أيقنت أن مازال في حياتي أمل .. فرصة .. نور
نور .. من بعيد أحسست أنه يناديني
حاولت أقترب ..
كل ما أقترب هو يبتعد ..
أقترب ويبتعد ..!! إلى متى لا أدري !!..
الذي أعرفه أن مازال في حياتي أمل .. نور .. فرصة
ما زالت موجودة لكي أعيش ..

أكرهك و أحبها

أكتب أحزاني وآلامي .. جروحي و معاناتي
أكتب ولا أدري لماذا أكتب؟! هل عجز؟ خوف؟ ضعف؟
لا .. أكتب و كلي أمل أن تصل رسالتي .. كلامي .. إحساسي
إلى من كان في يوم سبب هلاكي ..

هل تذكرين كم كنت أعشقتك .. كم كنت أحبك حب جنون ..
اليوم أنا أكرهك ..
أكرهك كالبحر .. كالسما .. أكرهك على عدد النجوم ..
عدد الأسماك في البحر .. عدد حبات المطر
أنتِ لا شيء أنتِ ماضي .. أنتِ عديمة الإحساس
إبتعدي .. إرحلي .. لا أريدك !!..

نعم أحببت غيرك وأعشقها الآن .. بكثرت ما أكرهك
فهني دواء لجروحي .. وهي بلسم وهي من أحست بي ..
هي من أحببتي من قلبها فكلي فداء لروحها ..
أكتب على الورق حبري .. وعلى خدي دمعتي ..
على أيام عشناها معا .. سوف تدفعين الثمن
فعلا أنا أكرهك وأحبها ..

يوم من الأيام

يوم من الأيام ..

عند منتصف الليل .. نظرت إلى السماء ..
فصابني البكاء .. جلست بسكات ..

لا أدري ماذا حصل .. تغير لون وجهي ..

نزلت دمعة على خدي ..
أحسست بحسره في صدري ..

آآه في قلبي .. حرقه في عيني ..

تذكرت أن في يوم من الأيام
كنا هنا نجلس أنا وخلي ..
كنا هنا نلعب .. نضحك .. نرسم ..

نرسم أحلامنا وآمالنا ..

تذكرت أن في يوم من الأيام تواعدنا وتحالفنا ..

أن نبقى مثل الجسد الواحد أنا الدم وهي القلب ..
إذا أبتعد أحد مات الثاني ..

آآه يا زمن .. اليوم أصبحنا في الذكرى ..
أصبح كل ما كتبناه .. كل ما رسمناه حبر ..
ذكريات تؤلمني .. ماضي يجرحني ..

في يوم من الأيام..

مرضت .. وإذ بيدها دواء لي
بردت .. وإذ بحضنها دفئ لي
بكيت .. وإذ بصدرها مسكن لي

أما اليوم .. أمرض وأبكي .. والحالات واحده ..

أصبحت حياتي بئسة ..
أحسست بروحي ضائعة ..

اليوم أقول إنها كانت حلمي .. كانت أملي .. كانت عشقي...

وكانت حبي في يوم من الأيام ...

طولت الغيبة

وينك حبيبي محتاج حنانك
تعال لحضني ومن حبك أعطيني
حبيبي أحبك ومستحيل ألقى بدالك
محتاجك من حبك إسقينني

خلك حبيبي أنا جايبك مكانك
بدونك أحس تضيع أيامي وسنيني
قلي حبيبي وش صاير بكيانك
طولت الغيبة وين أودي حنيني

طولت الغيبة ومقدر على غيابك
أدري إني مثل ما أحتريك تحتريني
مشتاق لشعرك ولنظرة من عيونك
حس فيني حبيبي وحس بلهيبني

ما أقدر أوصفك أو أوصف جمالك
بكل ما فيني مشتاق حتى عيوني
صوتك ولا رمشك ولا دلالك
حبيبي طمني بديت أحس إنك ناسيني

إرجعلي حبيبي مشتاق
إرجعلي أبيتك بكل ما فيني

لماذا تركتيني ..!!

الا تذكرين يوم كنت تحبيني وتعشقينني
الا تذكرين يوم التقينا وأحببتك وأحببتيني
الا تذكرين يوم قلت لك أطلب رُوحِي وعمرِي أعطيكِ
الا تذكرين كيف مرت السنين وحُبُّك مازال في قلبي

لماذا تركتيني وهجرتيني ..!!
لماذا نسيتيني بدون سبب ..!!
لماذا عشقتيني بما أنكِ ستخونيني ..!!
لماذا ضحكتي علي وجعلتيني معلق في هواك ..!!

أنتي لستِ إلا أسطورة واهية
أنتي لستِ إلا إنسانة كاذبة
أنتي لستِ إلا عاشقة ناكرة
أنتي لستِ إلا زهرة ذابلة
تركتيني أتألم وأتعذب .. من حُبِّك وأنتدم
على أيامي التي عشتها معك .. لماذا لماذا تركتيني ..!!

أنا الذي أحببتك وأهديتك رُوحِي ..
أنا الذي ضحيت بعمرِي وحياتي ..
أنا الذي لم يهدي قلبي سواك ..
أنا الذي أعطيتكِ حناني وأخلاصي ..

لماذا تركتيني ..!! لماذا ..!!

القدر

أنا والله مليت .. والله مليت
حتى صار مالي نفس أعيش

تصدقوا إني للعذاب والجروح حنيت
حتى صارت حياتي دموع وسرحان

تصدقوا إني للدموع عن الفرح بديت
أنا تعبان والله صاير حيران

أدري إني خافي جروحي وما لحد حكيت
أدري لأنني عايش أنا غلطان

بس هذا القدر مهمى عن الكل داريت
أدري مكتوب أعيش حزين وكل واحد فيني شمتان

مدري وش مصيري وين بتروح هالدموع
كل ما جفت دموعي أرجع ندمان

يكفي جروحي

ياحبيبي إنت عندي أقرب الناس
حتى إنك أقرب من الأنفاس
آآه وش أقول فيك وعن الإحساس
حتى دموع عيني منك مثل الألماس

نفسى تفهم هذه العبارة
حتى لا يروح عمري وياك خسارة
متى تحس بحبيبك وتطفى نارة
تراها ماتبي تعب ولا شطارة

كلها بس بحركة أو إشارة
تسعه بعدها ليلة ونهارة
ترى حبه لك ما هو حب بزارة
وما هو لدمعه ماخذة إستعارة
وما يبي بهالقصيد إشتهارة
يكفي جروحه والدمع وخله في دارة

وخله يروح ويشكي لجارة
ويقول حبيبي ناسيني وهو يبكي بكل إفتخارة
أنت جرحك بقلبي مثل السهم
أو حتى أقوى من الحجارة
أنت قاسي بكل صراحة

ما حسبنا حسابہ

لي خوي مدري علي علامه
كل يوم يزيد حبي منه ظمابه

مدري وينه ما يسأل ولا نسي أحبابه
ولا تذكرت...!! يتغلى وما حسبنا حسابہ

حبنا وراح و بحبه بلانا
الله يسامحه إلي بعيونه كوانا

إسألوه بعده يعزنا ولا بالهوى رمانا
أحبه .. وحبہ للجروح هو علاجه

يقولون خوي للغدر ماهابا
يقولون للحب والوفا فتح بابہ

بس أنا أشوف للخيانہ هو مساره
أقولها وکلي دموع .. ما عاد لي فيه حاجه

أبشتكي

أكتبك ومالي نفس أكتب
أكتبك ودمعي على الخدين يسكب

حرام عليك إيش تسوي فيني
تقلي شئ وبقلبك والله شئ ثاني

أبشتكي للرحمن عنك وعن حالي
وأقول يجيله يوم و يعاني

أنت تجرح وتذبح قلبي وأنت ولا داري
يا ناس وش أقلكم غير إنه شاغل بالي

هو إلي دوم في قلبي .. أحبه .. ويحلالي
بس وينه لا حاس فيني ولا يهواني

خلاص روح ما عاد أبي حبك
خلاص روح الله يصبرني على بعدك

يكفي دمعي خلاص ما بشوف دمعاك
روح خلاص إنساني وريح بالك

أنا أسف

أنا أسف لأنني حبيتك
أسف لأنني عزيتك و غليتك

أنا أسف لأنني وفيتك
أدري إنك بتخوني بس ما توقعتها منك

أنا أسف على كلامي وإعجابي
بس مب بيدي حبيتك و هويتك

أنا أسف .. أسف
لأنك إنت إلي خنت و جرحت

إنت إلي غدرت و وعدت
إنت إلي رمى سهم بقلبي

سهم دخل ما توقعته !!..
مدري وش سواك علشان تجرحه !!..

إلي أعرفه إنه حبك و هواك ..
إلي أعرفه إنه عاش عشانك وفداك
الله يسامحك بأفعالك
وما أبي منك الحين إلا إنك تنساه

يوم الوداع

أودع ياغالي ودمعي على الخدين
أودع وقلبي يغني الآآه والأنين
ما أصدق إنك نسيت أيامنا حنا الاثنين
معقوله خلاص ما عاد في قلبك لي حنين

تدري إني تعلمت منك ياغالي درسين
درسين مايفهمهم إلى المحبين
الأول إني أصبر على الجروح
والثاني إنك واحد تجرح بأسلوب قاسي
وتتركني لوحدي أبكي وأعاني
حرام عليك تعذب قلبي ولا تبالي

ما أصدق إنك للحين تشك وتخاف مني
معقولة ما تعرف إنك جزء مني
وإسمك إنطبع والله في قلبي
وحبك صار يجري بدمي

الله يسامحك يا سبب همي
منك أمسح دمع عيني
ومسهرني والله بالليل
يكفي ما عاد أستحمل أبي يوم الوداع

تخيل إنني أموت

حبيبي مشتاق ..
من حنانك ترويني ..
من حبك إسقيني ..
صوتك يذفيني .. إنت روعي وعمرى ..
وإنت مالك سنيني ..
في بعدك أحس بالضياح ..
خذ عمري ومن حبك أعطيني ..

همومي نسيني .. في حضنك إرميني .. أحبك يا حبيبي
بسألك ليش الهوى منك وفيك ..!!
ليش أبيات شعري تهتويك ..!!

حبيبي نفسي من حناني أرويك ..
ومن حبي وإخلاصي أعطيك

خلك بقربي يالي حياتي معاك غير ..
بدونك تضيع سنيني
أحبك حب جنون .. أحبك يا حنون
خذ من عمري سنيني ...
خذ أفراحي وحنيني ..
خذ ضحكتي وعطيني دمعتك ..
خذ فرحتي وعطيني همك ..

حبيبي لايق عليك التغلي .. آآه في صدري ونفسي أغني
أحبك آآه لو تدري .. أعشقتك حتى في أبيات شعري

إنت في وصفك لك الكلمات ما تخلي ..
دلع حنان جمال
يالي في رمشك ساحرني ..
وفي عيونك نظرة آآه يا ذابحني ..

أفكر فيك صبح وليل .. أموت فيك يا عمري حيل
إنت يا ساكن بين رمشي وبين .. قلبي وصدري .. وبين يدي
شوفتك يا قلبي ترد الروح .. يالي بعدك روعي والله تروح
أمنتك بالله لا تروح ..
لأني بديت فيك أبني أحلامي .. صدقني حتى كل آمالي

تخيلت أنا وإنت والليل ..
وإنت بقربي وأضمك لصدري ..
أحبك حبيبي حيل
بعدك سقاني الويل .. يا ويلي آآه يا ويل ..

نفسى أخط يدي بيدك .. أجلس مرتاح وأنا حدك
نفسى يوم أصبح .. أصبح بوجهك .. وأمسي على صوتك

حبيبي لا تخاف ولا تخيب ظنونك .. لا تفكر إني بيوم ببعد وأنساك
كيف وأنا يا عمري أهواك ..
حبيبي أحتارت فيك الكلمات .. نفسى أهمس هالهمسات
أحبك و روعي تموت بلياك .. لا تفكر إني بهالكلمات
أقدر أوصف لحظه من هاللحظات ..
إلي أعيشها فيك ومعاك وبلاك

كلمة أحبك والله قليلة .. نفسي ألقى لها بديلة ..
مليت وإنت أغلى وما بيدي حيلة ..
الوفا والإخلاص قلبي دليلة ..

أكتب .. ودمعي على خدي
أسكت .. وآآآآه في صدري
أفكر .. وأنت وحدك بعقلي

تقول : إنك تحبني ..!! إنك تهواني ..!! تعشقني ..!!
وأنا أقول : إنت كياني .. إنت نفسي ودمي وشرياني

إنت كل أهلي وأصحابي وأحبابي ..
أكتب وأدري إن هذا مب كلامي .. أحس قلبي يكتب معاي
نفسى أوصل لك كلامي .. إعجابي و هيامي

الكل يقول إنت متغير ..!! تحب ..!! مجنون ..!!

وأنا أقول إنني متحير .. أعشق وأحب بجنون

مجنون أنا فيك .. وقلبي يهتويك .. تصدق ..!!
حبر قلبي خلص .. والحب بعده يكبر ويكبر ..
أحاول أنهي ما أقدر .. دموعي بعيني تحير ..

حبيبي أحس في داخلي إنسان .. أكيد مو أنا !!..
لأنني أحس إنك عايش فيني .. سارق سنيني ..
قلي وين أودي حنيني !!..
عيونك آمالي يا فرحت أيامي ويا حلم سنيني

أشوفك أفرح .. عيونك تسحر .. شوفتك تذبح
ولا مشيتك .. وَاَاَاَاَه من خصرك

حبيبي تخيل إني أموت !!..
بس بسألك سؤال بين قلبي وقلبك !!..
وانت واقف على قبري (لا تقول بعيد الشر يومي قبلك)
شوفي قبري .. ولا يهون أشوف قبرك ..
حبيبي يومي قبلك ..

أعيش أحبك .. وأموت لأجلك صدقني حبيبي حبك عالم ثاني
نساني حالي .. ربي يحفظك .. ربي يصونك

ويخلي الحب بينا .. والحب يكبر ويكبر ..
أحبك حبيبي وربى يشهد ..

أحبك أحبك

إلى صديقي

يا مسك و عنبر .. يا مرجان وأكثر ..
دايما فيك بفخر .. بين الأصحاب

أنت صديقي وأنت أخوي وحببي ..
أنت بس إلى إخترتك .. بين الأحباب

بين هذا وذاك .. قالولي إخترا
وبأبيات شعرك .. يا شاعر أكتب
وأنا أقول أنت صديقي من بين كل الأقراب
والباقى فى حياتى كلهم أعراب

يقولوا الصديق وقت الضيق ..
وأنت الصديق .. أنت الوفى .. وأنا أفديك
بعمرى لو كلفنى أروح التراب ..

أنت أحلى شئ فى حياتى الكئيبة ..
وأسمع منك النصيحة .. لو كانت كتاب

أدعى ربي يوفقك ويحفظك ..
وربي يعطيك على وقفك معاي كل الثواب ..

إطلع من راسي

حبيبي فكرت وبكتبك أشعاري
أبيك تحس كم أعاني
أبيك تفهم كلماتي

برسلك أحزاني مع أشواقي
بوصفك شلون حبيبي هيامي
مشتاقلك ومشتاق لآلامي
وأدري إنك أشتقت لدمعاتي

أكون معاك وأحس إنني لحالي
شوف قصيدي وإسمع ألحاني
وإنت عارف إنك لقيت بدالي
لا تقول أحبك وحب وكلام فاضي

روح يا شيخ وخلي لحالي
تراني منك تعبان ومليت أداري
روح وإطلع من كياني
ولا أقلك إطلع من راسي

مليت منك وأنت ولا داري
لا تفكر إنك في بالي...!!
والله خسنت ما تستاهل كلماتي

لا تفكر إنك بيوم بتشوف دمعاتي
إلي مثلك ما يستاهل غير التهاني
أهنيك إنك تركتني بالهوى أعاني
عرفت شلون تلعب بأوتاري
حبيبي وتخرّب حتى أفكارى

مثل الطفل ..!! تلعب بصفحاتى
يوم تعجبك صفحة تسرق من أوراقى
وتقول حبيبي أهدانى
من أشعاره حب وهيام ومعانى

قلّى وش تعرف بالحب غير إنى أعانى ..!!
لا وتقول معانى ..!!
أى معانى وأنت مب فى بالى
لا تتخيل يوم شفّتنى لحالى
تقول حزين وأكيد مشتاق لحنانى

تراك مسكين ما تستاهل إخلاصى
حبى فىك خسارة تصدق حتى كلامى
تراك واحد أنانى
والى يقول إنك إستغلالى
والله حبيبي أحطه على راسى

تراني لو منك أغير من عنادي
قلي وين تلقى بدالي !!..
وين تلقى مثل كلماتي
تراني شاعر وأعجبك بكلامي

وإلى يعجبني خلاص أحطه براسي
صدقني هو بس إلي يحلالي
أعتبره كياني وحياتي

تراني شاعر ويحق لي أشوف حالي
لأنني أتبسم ولجروحي أداري
وما أحد يعرف أحزاني
غير قلومي و أوراقي

حبيبي من كثر ما أعاني
أضحك ولا همني ولا أبالي
والله ما عدت أطيق أشوفك قدامي

خلاص إطلع من راسي
أبي أرتاح منك ومن أحزاني

جمالک

ربي خلقك وأحسن في وصفك
إحترت أكتب عن جمالک

إحترت أوصف شفاهک ولا عيونک
أتذكر حبک وحنانک

لك نظرات تسحرني من رموشک
صدقني أحتاج كلامک

حبيبي مستحيل أخيب ظنونک
لأنی أحب لهفتک وھیامک

أحبک وما أقدر أعیش بدونک
مشتاق لحننک ودلالک

أبيک قربي وأبي وجودک
مستحيل ألقى بدالک

أنا و صاحبي

أنا : يا صاحبي والله حالتني حال
هو : مازن قلبي مهموم إيش أسوي

لا تهتم وخلق صافي البال
مازن تعبت وأنا جالس لحالي
يا صاحبي من همومك قلبي مال
لاتزعل ولا تهتم وأفهم كلامي

فهمني حاس حالي مثل الضال
مازن الحب تاعبني وهو سبب آلامي
يا صاحبي إذا تعبان من الحب غلطان
وأنا أقلك إلى يحبني نساني

معقولة نساك ..!!! والله صرت الحين حيران
صدقني يا مازن نسي كلامي وحناني
خلاص إنسي يا صاحبي ما أقدر أشوفك زعلان
إنصحنى .. بحط نصيحتك في بالي

لا تحب لأن الحب نادر بهالزمان
آآه يا مازن أتركني لجروحي أداري

جنس حواء

أمشي وأكلم نفسي .. الشرهه والله على قلبي
يحب وما يسألني .. مشكلتة خفيف يحب التغلي
يشوف دلوعه .. يقول ياالله وراها نمشي
المشكلة في الليل أصلي
ودوم أدعي ربي.. يرسلي بنت حلال تلمني
جمال ودلع وحنان وهيام وش أسمي

تصدقون بيوم كنت ماشي وأغني
أشوف زين من بعيد يلحقني ..
وقفت .. لين صارت حدي
أطالع فيها وأسمي .. الله أكبر ما أحلى التمشي
تصدقون وش قالتلي ..!! شفيك أنت ساعة تلحقني ..!!
قلتلها أنتي ما تخافي ربي ..!!
والله أنواع المكياج ما تخلي
والعطر واصل لين حلقي .. فكرت أعطيها رقمي
وبعدها بمشي .. مزيونة والجمال من ربي
والمكياج والله للبنات يحلي ..
تركته ومشيت ولا كاني .. شفنتها بقربي جنبي
حسيت كانت بتبلييني .. والله بتنادي عسكري
آآه منكم يا جنس حوا .. تشوفوا واحد يمشي تقولوا يلحقني
ولو كان يغني .. على طول يعاكسني..
والله تعبت أشكي ربي .. الله منكم يريحني

غبت ولا سألت

خلاص أنت سافرت
ونسيت كلامي
عن حبنا يا خسارة تحولت
ونسيت حتى حناني
غبت ولا سألت
وش يا ترى جرالي
سألتك ما تكلمت
تعال شوف حالي

تركنتي ولا تألمت
أنا غلطان بإخلاصي
تراني منك تحملت
أنواع التعذيب والطعنات
اليوم أنا آمنت
إني بعيش لحالي

سافرت أنت وسكت
رحت تدور بدالي
صدقني ترى ندمت
على أيامنا والليالي
أنا منك تحملت
أتعذب وأعاني
في عذابي أنت تفننت
وعرفت تشوف دمعاتي

بجروحي أنت لونت
أقسى أنواع الكلامي
من غدرك تسلمت
كسر في عظامي

آآه منك كم تألمت
وشفت أنواع العذابي
أنت عن حبي تبدلت
وأنا في حبك أعاني

مجروح ولا تكلمت
أحاول لدموعي أداري
أنت لحبنا دفنت
أجمل إحساس ومعاني
أنت على قلبي دعست
ولا سألت ولا تبالي

قناع الغدر تنكرت
وبسهولة تنساني
كم ليلة سكبت
من عيوني دمعاتي
غبت ولا سألت
وش يا ترى جرالي

لازم تتألم

سمعت إنك خائف
وأكيد سامع إني توعدت
قلي أنت وش شايف
تراني لك تحلفت

أدري إنك ما تقدر تنساني
بس صدقني بخليك تتندم
إسمعني وإفهم زين كلامي
إلي مثلك لازم يتألم
ما تستاهل حبي ولا حناني
أسكت ما أبيك تتكلم
شفت الخيانة بعيوني
وتبيني أسامح وأسلم
أنا غلطان عطيتك إخلاصي
تراني لجروحي ألملم
صدقني بخليك مثلي تعاني
كل يوم أنام وأحلم
ما تستاهل حتى سلامي
قلي ياالله تكلم
لاتقول أحبك أرجوك لا تنساني
إلي مثلك لازم يتألم
وربي بخليك تتندم

بسهوة تخليت

قصيدي فيك حبيبي بدأت
كم يوم حبيتك ما حسبت
رحت عني ولا سألت
شوف حالي آاه كم تألمت
حسرة في قلبي ولا تكلمت
شفت دموعي ، ولا تأثرت
اليوم أقلق إنت حبيبي كنت
شوف وين كنت وين صرت
أنا عن الحب والله تبت
أنا في حبك ياما حلمت
ويوم حبيتك مني هربت
حطيتك بقلبي ودمت
بس اليوم للأسف تندمت
من جروحي حبيبي كتبت
في غدرك إنت أثبتت
وعن حبي يا خسارة تحولت
دموعي حبيبي سكبت
وإنت بسهوة مني مللت
ضلوعي حبيبي إنت كسرت
على قلبي إنت رسمت
جروح ، وفيها تفننت
رحت عني ولا سألت

والله مليت

لجروحي أنا تناسيت
أحس إني إنتهيت
في حياة الأموات بديت
مليون طعنه أنا تلقيت
إنك تتغير ما ظنيت
سافرت كثير ولفيت
مثل غدرك ما لقيت
لا تتخيل إني حنيت
أنا منك ياما عانيت
وياما لدموعي داريت
مظلوم أنا ومنك مليت
أنت عمرك ما حببت
قلي كم مره مثلي عانيت
ياما لجروحي جاريت
تألمت وداريت
إنجرحت وخببت
غدرتني ونسيت
في دروب العذاب سريت
أنت فيني ما حسيت
في عنادك أصريت
وفي قناع الغدر تخفيت
تراني منك مليت
والله ، والله مليت

قلبي عنك سأل

ليش الزعل .. قلبي عنك سأل
غير حبك والله ما حمل

شوفتك أنت حارمني
وفي بعادك والله ظالمني
ليش حبيبي هاجرني
أحبك وحبك ذابحني
أنت بس إلى سارقني
غيابك عني كاسرني
أدري ودك تصالحني
مستحي.. بس صدقني
ببادرك قبل لا تبادرني
قلي حبيبي وصارحني
أحبك ويالله ريحني
يالي في غيابك جارحني
حبيبي ومعذبني
أحبك حب مجنني
نسيت حتى إسمي
حبيبي أرجوك إرجعلي
أرجوك سامحني

ليش الزعل .. قلبي عنك سأل
غير حبك والله ما حمل

ما أربي حبك

أنت حبيبي جار حني
وبكل سهولة هاجرني
طعننتي و ذبحتني
بدعس على قلبي ولا يهمني
وش باقي ..!! تسمني
مابي حبك دام ظالمي
تقول عطيتك وأنت حارمني
تشوف دمعي ولا تسايرني
أبكي وأنت تضحكلي
أنت ما عندك قلب تدري ..!!
والله خسارة فيك ورقي
قلمي وحتى حبري
ليش أكتبلك وأغني
تقول همك يهمني

تكون جالس جنبي
وفيني شمتان
تحب تحرق دمي
وتحب تشوفني حيران
الكل عنك يسألني
وأنا أقول منك تعبان
لا تتكر أنك جار حني
ولا تحسب نفسك سلطان

قلب واحد

أنا حبيت واحد
غدر فيني و خان

جرحني جرح واحد
وعلى حقيقة بان

كنا أنا و هو واحد
لحبنا والله ما صان

حبيته و عندي قلب واحد
مستحيل أحب بعده مهمى كان

أنا إكتفيت من حب واحد
أبيع حبنا والله ما هان

بس ببيع ، لأنك واحد
لحبنا يا خسارة خوان

أنا حبيت واحد
غدر فيني و خان

قلبي مشترك

حبيبي أحبك وأموت فيك
أهواك وبكلي أبيك
قلبي إختارك ومشارك
أضيع وأهتدي فيك
أنام وأحلم فيك
حبيبي تراني محتريك

لا تفكر بيوم أقدر أخليك
أحس إنني عايش فيك
حبيبي والله خايف عليك
من البرد أدفيك
ولهومك أنا أنسيك
على كل البشر أبديك
وبحبك بس أنا أجاريك

أبيحك ..!! شلون وأنا شارك
من حناني أسقيك
عيوني لو تبي أعطيك
حبيبي أحبك وأغليك
قلبي إختارك و مشترك

أخوي

إذا ضاقت فيني الأزمان
وضعت عن دروب الأمان
وفقدت الحب والحنان
أكيد مالي غير أخوي
مخنوق ودايم ضميان
نار في قلبي وحميان
لمين أشكي والله حيران
أكيد مالي غير أخوي

إذا ضاقت قيم الإنسان
صار الزمن غدر وطعان
وصرت أنا في النسيان
أكيد مالي غير أخوي

قلبي من الجروح مليان
بس عندي والله إيمان
وإذا دموعي للناس تبان
أكيد مالي غير أخوي

أخوي أنت علمتني النسيان
أحط راسي على صدرك وأنا مرتاح
عطيتني إخلاص وحنان
إذا ضاقت فيني الأزمان
أكيد مالي غير أخوي

الشعر إحساس

في هذا الزمن كل من كتب أحبك وأهواك
قال أنا شاعر...!!
قولولي وش الشعر .. بحور و وزن وقافية
والله شباب هالأيام بودونا في داهية
وفي ناس لمعاني الشعر ناسية

خلاص يحب وحده يكتبها بيتين
يقول أحبك وأنا وأنتي أحلى إثنين
حبيبي تعالي وين راح الحنين
ضاعت أيامي أنا والسنين

ويقول .. أنا شاعر وأنا كاتب
حبيبي تراك في الشعر ما تفهم .. حاسب
تسرق من هذا و من ذاك ماخذ
ومني أكيد سالب
أنا في شعري أعرف أوصف
وفي حزني بربي أحلف
وما أحب في شعري أكلف
وبين مشاعري وإحساسي أنصف

الشعر معاني وقبل المعاني إحساس
والإحساس ما ينشري حتى بالألماس
واحد يحب والثاني مجروح هذا هو الأساس
إجلس حبيبي لحالك وفكر وإحبس الأنفاس
فكر في داخلك وإنسى كلام الناس
هذا هو الشعر وأحلى إحساس

روحي أسميك

حبيبي تذكرتك وأنا ماني بناسيك
أنشغل في دنيتي بس صدقني دوم في طاريك

أدري تحبني وبحبك أحاول أجاريك
أنت حبيبي وعمري وروحي وكلي ..
تصدق نسيت باقي أساميك

وإذا الإنسان إنباع أنا أول وآخر من يشتريك
وأكتب عقد حبي لك وضمن مئة سنة أهتويك

بعيوني أحطك وبين رموشي وبقلبي أحتويك
بشراييني حبيبي أفديك وروحي والله أسميك

عن أخواني وأهلي وناسي أنا أبديك
قصيدي حبيبي أبدء وأنتهي فيك

صدقني حبيبي أنت لي وأنا ليك
فكر بس تنادينني وأنا أجيبك

حبيبي محتاجك أنا صدقني أبيك
إحترت بوصفك وجمالك ودلعك
بين الناس حبيبي وش أسميك !!

هدب عيني

إحساسي هذه الأيام غريب
أحس إنني في دنيا غير الدنيا والله عجيب

أحس في داخلي قلب تكسر
وكل القلوب حولي تتحسر

تلتوي ضلوعي تشتعل وتنطفي شموعي
إحساسي رماد تناثر قدامي
تبعثر بينها أوراق

إنقلبت دنيتي وصرت وحداني
حبيبي إلي بيوم تحداني

دمرني ، بعثرني ، شتت كياني
حرق بداخلي إحساسي
دمعتي تجي وتروح وقبري ينادي
كل ماتجني عيني على وردة تذبل قدامي

إهتز بداخلي إحساس ورعشت مشاعري
من هدب عيني أشوف الدنيا ثاني

للأسف حبيبي بعد عني وخالني
باعني بالهوى واليوم نساني

رعدة قلب

يا زين ربي خلك وأحسن في وصوفك
أذوب ، أضيع ، أنسى نفسي في عيونك

يرتعش قلبي حبيبي يوم أشوفك
أنسى دنيتي ومقدر أعيش بدونك

حبيبي أمنتك الله لا تخيب ظنونك
مقدر أنا يوم على جنونك

أعشقت أموت أنا في كلامك وصوتك
أحب ضحكك وبسمتك ودموعك

أحب أنام وأحلم وأرسمك
أحب شعرك وجسمك ولونك

حبيبي حبي لك أكبر من ظنونك
يرتعش قلبي وينتفض يوم أشوفك

أحبك حبيبي ونفسي أوصل حدودك
تعال شوف رعدة قلب إلى يحبونك

إحساس كاذب

بقولك يا صاحبي عن إحساس أنت ماجربته
تذكر أمس بالليل حبيبي إلى كلمته !!!

في نص كلامي قررت وصارحته
ذكرتة عن أيامنا سوا و علمته

بقولك الحوار و وش سمعته
سألتها تحبيني !!! قالت أموت فيك

تعشقينى !!! قالت دنيتي كلها فيك
قلت لها لو أبتعدنا ، تقدري تعيشي بدوني !!!
قالت أنتحري ولا تنتظر رجوعي

قلتها بصوت مجروح آآآه ياقلبي
قالت سلامة قلبك ليت قلبي ولا قلبك

أضحك وأقول هو عندك قلب !!!
قالت : ويحبك وما يهوى بعدك

قلت لها وإحساسك !!!
قالت: فيك ولك وبيبيك

سمعتني حلو الكلام وأحلى الألحان
كنا نكتب قصيدة كلها أوزان

وبالنهاية قلت لها بعد ما قالت أحبك
خلي حبك يا بنت الناس لنفسك

وبصوت كذوب ودمعة مزيفة
ورعشة صوت تقول ليش حبيبي !!..

قلتها وياليتني ما قلتها
خلك مع إلى كنتي معاه
شفتك بعيني حذاه

وتقولين أحبك وأهواك !!..

إحساسك كله كذاب
الكل في صوتك مفتون لأنه جذاب

تحبي عشرة وتلعبني بالحبال
ماني بلعبة بيدك تلعبنيها

ترمينها وتجيبينها ، تحبينها وتخدعينها
وقت ما تبنيها !!..

يا قلبي مسكين

يا قلبي مسكين كم تحملت
في عز شبابك من الألم تجرعت
ساكت على جروحك ولا تكلمت
كم من المذلات يا قلبي تصبرت

أداوي جروحك وأنت مني حتى تهربت
يا قلبي ابسألك ليش في طعنك لي كتمت
بين ضلوعي يا قلبي سكنت
يا قلبي مجروح وبضحتك لي تصنعت

من يداوي جروحك أدري يا قلبي مللت
كل شئ فيني ضاع حتى يا قلبي أنت
أصبر يا قلبي وأسمع وش كتبت
الحب خيانة وعذاب مهما سطرت

الحب الوافي ، نادر والله صدقت
شوف الدنيا وأدري منها تعلمت

دموعي على خدي سكبت
يكفي عذاب ويكفي ما تحملت

ضايح بين أوراقي

وجداني وأحب لجروحي أداري
أسير أحزاني وبغرفتي دايم لحالي

أحب ألعب في أوراقي وأدور الألامي
أحب أكتم عن العالم أسراري

أحب أكتب وأعبر بكل حالاتي
ذكرها تهز في داخل وجداني
عيونها كانت أحلى أحلامي
وحضنها كان أكبر آمالي

مدري ليش كل كتاباتي
ذكرى ، ماضي ، أو ضايح لحالي

أحس روجي تطلع مع نفسي
وبكل خطوه أبعد عن أصحابي

صرت وحيد مالي غير إحساسي
حتى إحساسي أحس بدى ينساني
معقولة أعيش بين أوراقي
على الذكرى وعلى أوهامي

تعبت وضاعت كل أحلامي
وحيد وأحب أكون لحالي

منتدى همس القلوب

أعضاء منتديات همس القلوب
أرسل سلامي لكم من الأراضي القطرية
وأرحب بأعضاء المنتدى من الدول الخليجية
من عُمان و البحرين والإمارات و السعودية
وأكيد ما نقدر ننسا أخواننا البقية
من مصر والمغرب والدول الشامية
لنا الشرف بالإنضمام معكم وكلنا يد قوية
منتدى شامخ من أعضاء ومشرفين وإدارية
كل شئ موجود تعليم وثقافة و مواضيع دينية

لقيت في المنتدى أخوه و محبه غير عن بقيه المنتديات
ما أوفيلك يا منتدى بقصيدة أو ديوان تعجز الكلمات
بدايتي أنا معاكم غير عن كل البدايات
أحب أجلس وياكم وما تكفيني مئات الجلسات
والسموح من الجميع ما أقدر أوصف المنتدى حتى بهمسات

أشتركت مليون منتدى مثل همس القلوب ما لقيت
حاولت شفت و أشتركت مثلكم ما لقيت مهما لفيت
أبعد عنكم؟ ليش وش فيني أحد قللكم إنني جنيت
أنا معاكم وربي إحساس غريب حسيت
أغيب سنه ممكن بس أبعد عنكم وربي ما ظنيت
من كلام فاضي ومنتديات والله مليت
ياما عانيت معاكم جروحي أنا تناسيت
أفتخر إنني منكم لو الكل رفض أنا أصريت

عيد حبي

اليوم عيد حبي
واليوم ابدأ عمري معاك
صعب أتخيل حياتي بلاك
اليوم عيد حبي
إنت وبس حبيبي
إنت قدرتي ونصيبي
إنت نور عيني
يا ضي سنيني
إنت أفراحي وحنيني

حبك في أعماقي مكنون
يا حبي المجنون
يا القلب الحنون
لاتخيب الظنون

إسهر معاي اليوم
وأنا عن العالم أصوم
يكفيني صوتك لو ما أشوفك
أتمنى حبيبي وجودك
آآه لو أعرف بس حدودك
لآجي أبوك وجدودك
وأطلبك منهم وأزورك
وأحطك في قلبي وأصونك

مهـما تبـتعد أـحبك

حبيبي ناظر عيوني
بسألك كم سؤال
أنت وبدوني
إوصفلي الحال..!
فيك من جنوني
ياشاغل البال..!

غبت عن عيوني
ودمعي سال
خيبت ظنوني
وقلبت الحال
عناك يسئلوني
قلبي من هجرك مال

الناس حيروني
قيل وقال..!!
ليش هجرت عيوني
بعدك والله طال
عن حبك ينسوني
ويقولون قلبك كم شال
أحبك ياروحي
ورح تبقى في البال

قرار إعتزالي

كثبت الإحساس بجميع المعاني
لونت أبياتي بسطور الحب والعذابي
حبيت وسهرت وتعلمت أعاني
ما توقعت بيوم أشوف دمعاتي

خيانة دمرت كل كياني
عجزت أعبّر إحساسي بكلماتي
حبيبي إلى كان حبيبي من غدره سقاني
بيوم وليلة يا ناس نساني

خسارة وربي فيه حبي وحناني
بديته على ناسي وأهلي وخلاني
بيته بقلبي كان وسكنته في أشجاني
حبيبي للأسف للهوى رماني

باعني برخيص ونسى اليوم كلامي
نسى حبي له وهيامي .. حناني وإخلاصي
النوم وربي من بعده جفاني

شاعر ..!! شلون أكتب وفارقني إحساسي
ما عاد فيني حب وقلبي حتى نساني
أنا للهوى أبيع كل غرامي
مابي حب أبي الموت يهواني

أبي أكتب قصيده أقدم فيها إعتزالي
وأقول لكل واحد إذا صابه من جناني
أو وقع في عالم الحب والهيامي

إحذر يجيك شئ من جراحي
أنواع الغدر تلقيتها بثواني
حبيبي إلى ما توقعت بيوم ينساني
باعني بالهوى بأرخص الأثماني

آآآه ياقلب تحمل .. وش يعني أعاني!!
تعودت أنا من اليوم أكون بالهوى أناني
إذا حبيبي .. خلاص للأسف للزمن رماني
تركني في الدنيا ضايع لحالي

أنا اليوم رتبت أفكاري
بالحب أنا أخذت قراري
ماعدت أقدر أعزف على أوتاري
ضايع بين أفكاري و أوهامي
ضاعت كل أحلامي
تناثرت بين دمعاتي
صفحاتي و أوراقتي

أنا قلت بكتب قصيدة فيها إعتزالي
وأنا أقولكم هذا قراري
تكسرت من حزني أقلامي
ماعاد أقدر أكتب إحساسي
تقدروا تقولوا عديم الإحساسي

هذا قدرني إذا ربي بلاني
الحمد لله على كل شئ بالأول والتالي
أدري هذه دنيا فانيه حطامي
ماينفعني غير عملي وصلاتي
أنا تبت من الحب ونسيت أشعاري
بخلي للذكرى مع دموعي أوراقي
وأقول خساره يادنيا ضاعت الأمانى

عالمي سفينه وضيعت الموانى
هذا مو كلامي هذا إحساسي
وأحمد ربي أن اليوم هداني
أنا قررت أعتزل وهذا قراري

أمي وأبي

عيد أمي هو عيدي وعيدها
شوفوا يا ناس ضحكتها ما أجملها
هي وحدها بالقلب ما أغلاها
أبوس قلبها والأرض تحتها ورمالها
أنسى العالم كله بأحضانها
وسط قلبي حبيبيتي أمي مكانها
هي وحدها تسكن عالمي وحدها
ما شفت للحين إنسان يشبهها
هي مميزه وفوق البشر بجمالها
وش أوصف بالحب والحنان وظلالها
لو هموم الدنيا فوق راسي وجبالها
كلمه الرضا أمي منك تكفيني وأتهدأها
أحبك أمي أحبك وقلبي غناها
أنا أول طفل وأكبر عيالها
ما أتخيل بيوم أبتعد وأعيش بلاها
أعتذر تعجز الكلمات والمعاني بجزالها
أمي إنت عيد حياتي كلها وأيامها
ومقدر أنسى أبوي الغالي
هو علمني الرجولة وأنواعها
علمني للصعاب شلون أتعداها
كبرت على يده بمعاني الحب وألونها
أفتخر من عيله أبوي أنا وأجدادها
لها الكل يفتخر بأنسابها
أبي الغالي كلمه أحبك أعلم أنك لن تنساها
فأول كلمه نطقها هي أبي فلن أنساها

وصف حزني

تعبت أمثل البسمه وأرسمها على شفاتي ..
كل من شافني تبسم وقال شكتر تعاني
محد يدري وش بداخلي وش بأعماقي ..
شكتر الحزن يسكن عالمي

لو رسمت للحزن لوحات ومعرض لحياتي ..
يدخل جنيس صدقوني من كثر ما أعاني
الحزن ماهو دمعه بالخد ولا حزن وسهر ليالي ..
الحزن الكبير تحطيم قلب وجرح بأعماقي

الحزن ماهو حب ضاع ولا غالي مات ولا إنسان وخان ..
الحزن شعور إنولد فيني وكبر فيني وتخاويننا
وعاش فيني والحين يحتويني ..
على كثر ما أكره أفكارني تحاصرني
وتقهر باقي ساعات يومي وأيام سنيني ..
حاولت أنسى فكره الضياع
وأرسم مستقبل يكون فوق ظنوني ..
ماقدرت ...
أنواع الحزن كلها تحتويني..

سؤال ..!!

تعال شوف قلبي وادخل أعماقه وأقراه
تعب في غيابك يا حبيبي يلمح طيوفك

ظلمة الليالي وطول البعد من حبك أظماه
تعال ارجع أبيك مابي أسمعها ظروفك

حبك بخفوقي مختوم في هجرك ما أنساه
ليالي السهر محتاجك قلبي متى أشوفك

من الهم والحزن قلبي شوف وش جاه
أدري تحبني والبعد أثر فيك أشم خوفك

تغير كل شئ على قلبي يوم قلبك جافاه
أذكر الوله والشوق إلى بينا وكل حروفك

سؤال ..!! حبنا الى كان بيننا بعدك على ذكراه
ولا نسيت اليوم و أعلنتها إنتهاء معروفك ..!!

أهـم مـزروع

تعبت أكتب عن أحزاني و أوصف هالدموع
ياخي أبي أكتب عن حياتي شئ ثاني

ودي هالحزن فيني يختفي لو أسبوع
مدري ليش أنا بالذات زمانى تحداني
تعبت أكتب حروفي بالورق رحت أدور المسموع
يمكن أذكر فيني كل واحد اليوم نساني

أحس الهـم فيني بالداخل زرع مـزروع
ما عدت أميز بالحزن والفرحة إحساسي
كل يوم أقوم بنص الليل أنا مـفـزوع
على ذكرى جرح موجود في أعماقي

ليت الزعل بين البشر شئ مرفوع
أحب أنا كل من حولي وأعتبرهم أخواني
أموت لا شفت من يشعر بالبرد والجوع
وأنسى وقتها صدقني كل أحزاني

الحزن ما هو أكبر شئ صحيح قلبي مـجوع
لكن يزعجني أشوف غيري أنا يعاني
وأعتب على الدنيا وأسكب لها الدموع
وأحمد ربي أنا على ما بلاني

الفهرس

٠٥ . المقدمة	٢٦ . نهاية سعيدة
٠٦ . مثلت الحب	٢٧ . إحساس غريب
٠٧ . الحب هالزمان	٢٩ . هل تذكرين
٠٨ . المصير	٣٠ . الخيانة
٠٩ . يا هم	٣١ . حرام عليك
١٠ . تحدوني البشر	٣٢ . غريب الطبع
١١ . مثل النار	٣٣ . إلى متى أعاني
١٢ . حاولت أفهمك	٣٤ . صرخة أسير
١٣ . إنت إلي بديت	٣٥ . أغار عليك
١٤ . من يفهمني	٣٦ . أه يا زمن
١٥ . مشاعر مكنونة	٣٧ . أرجوك
١٦ . همسة ودمعة	٣٨ . عصفور المحبة
١٩ . أقول ما فيني	٣٩ . مجرد أمل
٢٠ . وين أروح !!..	٤٠ . أكرهك وأحبها
٢١ . إنت حياتي	٤١ . يوم من الأيام
٢٢ . إذا أنا ظالم	٤٣ . طولت الغيبة
٢٣ . أنا وأنت	٤٤ . لماذا تركتيني
٢٤ . خايف	٤٥ . القدر
٢٥ . مشتاق	٤٦ . يكفي جروحي

الفهرس

- | | |
|----------------------|---------------------|
| أخوي .٧١ | ٤٧ . ما حسبنا حسابه |
| الشعر إحساس .٧٢ | ٤٨ . أبشتكي |
| روحي أسميك .٧٣ | ٤٩ . أنا آسف |
| هدب عيني .٧٤ | ٥٠ . يوم الوداع |
| ر عشة قلب .٧٥ | ٥١ . تخيل إني أموت |
| إحساس كاذب .٧٦ | ٥٥ . إلى صديقي |
| يا قلبي مسكين .٧٨ | ٥٦ . إطلع من راسي |
| ضايح بين أوراقي .٧٩ | ٥٩ . جمالك |
| منتدى همس القلوب .٨٠ | ٦٠ . أنا وصاحبي |
| عيد حبي .٨١ | ٦١ . جنس حواء |
| مهما تبعند أحبك .٨٢ | ٦٢ . غبت ولا سألت |
| قرار إعتزالي .٨٣ | ٦٤ . لازم تتألم |
| أمي و أبي .٨٦ | ٦٥ . بسهولة تخليت |
| وصف حزني .٨٧ | ٦٦ . والله ملبت |
| أرتاح !!.. .٨٨ | ٦٧ . قلبي عنك سأل |
| سؤال .٨٩ | ٦٨ . ما أبي حبك |
| الهم مزروع .٩٠ | ٦٩ . قلب واحد |
| الفهرس .٩٢ | ٧٠ . قلبي مشتريك |

إهداء ...

إلى أغلى ناسي ،،

من عجزت حروفي وصفها أُمي الغالية
وزاد شموخي قدوتي أبي الغالي
نور حياتي ودرب أيامي أختي
عزوتي ونخوتي إخواني وأهلي

شكر خاص لكل من كان سبب في إلهامي ..
أو أثر على جزء من أفكاري وإحساسي..

كتابي إهداء لك .. فلمن أنت تهديه !!

الموقع الرسمي للشاعر مازن القاطوني
www.al-qatouni.com

للمراسلة عبر البريد الإلكتروني التالي/
mazen@al-qatouni.com

جميع الحقوق محفوظة للمؤلف © مازن القاطوني